



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 400; 726 412
fax. +387 33 726 423
e – mail: info@voda.ba

Broj: **UP-1/21-3-40-285-5/22**
Datum: **29.08.2022. godine**

«Agencija za vodno područje rijeke Save» Sarajevo, rješavajući po zahtjevu Općine Čelić za izdavanje vodne dozvole za zahvatanje vode putem vodozahvata «Bran» u Vražićima, za potrebe vodosnabdijevanja potrošača na području općine Čelić, na osnovu člana 139. stav 1. tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», br. 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Općini Čelić, kao Investitoru, za zahvatanje vode putem vodozahvata «Bran», za potrebe vodosnabdijevanja potrošača na području općine Čelić. Vodozahvat se sastoji od vodoprijemnog dijela (drenažni sistem), sabirnog okna i objekta pumpne stanice. Projektovani kapacitet zahvatnog objekta iznosi $Q = 21$ l/s.
2. Vodna dozvola se daje na osnovu raspoložive dokumentacije, utvrđenog činjeničnog stanja i uz slijedeće uslove:
 - 2.1. Da se putem predmetnog vodozahvata vrši crpljenje vode u optimalnoj količini, tj. pod uslovima po kojim je utvrđena optimalna izdašnost od 15-21 l/s, zavisno od hidroloških uslova prihranjivanja izvorišta.
 - 2.2. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, te u skladu sa uslovima iz ove vodne dozvole.
 - 2.3. Da korisnik predmetnog objekta obezbijedi stalni i sistematski pregled vode, od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se u toku važenja ovog rješenja donese „Opći akt o održavanju, korištenju i osmatranju vodnog objekta i postupanju u slučaju kvara ili havarije („Sl. Novine FBiH“ br. 97/19).
 - 2.5. Da se trajno čuva sva raspoloživa dokumentacija i na zahtjev nadležnih organa iz sektora voda stavi na uvid.
 - 2.6. Da se vrši redovna kontrola stanja vodozahvata naročito u periodu i nakon pojave velikih voda u cilju preduzimanja adekvatnih mjera ukoliko dođe do oštećenja istog.
 - 2.7. Da se mjerni uređaji - vodomjeri stalno održavaju u ispravnom stanju, odnosno redovno vrši baždarenje u skladu sa propisima o mjernim uređajima (angažmanom ovlaštenog pravnog lica).
 - 2.8. Korisnik objekata treba da, u cilju kontrole, evidencije i plaćanja količina zahvaćene vode, vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
 - 2.9. Da se vrši stalna dezinfekcija vode hlorisanjem kao i kontrola rezidualnog hlora u distributivnoj mreži, a u skladu sa Pravilnikom o higijenskoj ispravnosti vode za piće («Službene novine BiH», br. 44/10).
 - 2.10. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće, propisane Pravilnikom o zdravstvenoj ispravnosti vode za piće («Službene novine BiH», broj: 40/10), vodovodni sistem isključi iz upotrebe, odnosno blagovremeno i na adekvatan način obavijesti krajnje potrošače da voda nije za piće.

- 2.11. Da se na području vodozaštitne zone sprovode mjere zaštite izvorišta, a po „Odluci o zonama sanitarne zaštite i zaštitnim mjerama za izvorišta Brana“, donesenoj od strane Općinskog vijeća Čelić broj: 01-49-580/16 od 19.09.2018. godine.
- 2.12. U cilju najstrožije kontrole prostora na kome je smješten zahvatni objekat i pumpna stanica izvorišta „Brana“ potrebno je ogradu i ograđeni prostor oko izvorišta održavati, redovno kositi, uklanjati samoniklo šiblje i grmlje te objekat bunara – pumpne stanice obezbijediti mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
- 2.13. Da se u toku važenja dozvole, u skladu sa Zakonom o građenju, pribavi upotrebna dozvola.
3. Korisnik objekata je obavezan da redovno plaća posebne vodne naknade za korištenje voda i zaštitu voda u skladu sa propisima.
4. Ukoliko radom pomenutih objekata dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
5. Vlasnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa članom 149. Zakona o vodama («Službene novine Federacije BiH» broj 70/06).
6. Da korisnik prava iz ove vodne dozvole u toku trajanja iste prenese pravo korištenja i upravljanja vodozahvatom na javno komunalno poduzeće koje je registrovano za ovu djelatnost.
7. Ova vodna dozvola, shodno članu 117. stav 1. Zakona o vodama se daje sa rokom važenja od **pet (5) godina**, od dana pravosnažnosti ovog rješenja.
8. Korisnik vodne dozvole je dužan da prije isteka važnosti ove vodne dozvole podnese zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje o vodnoj dozvoli može se izmjeniti ukoliko nastupe okolnosti iz člana 130. stav (1) Zakona o vodama.

O b r a z l o ž e n j e

Općina Čelić, obratila se ovoj Agenciji dana 08.06.2022. godine, zahtjevom za izdavanje vodne dozvole za zahvatanje vode putem vodozahvata «Brana» u svrhu snabdijevanja pitkom vodom potrošača na području općine Čelić.

U provedenom postupku dostavljena je i pregledana slijedeća dokumentacija:

- Uredba o obrazovanju Općine Čelić, Službeni list R BiH, broj 6/94, ovjerena kopija;
- Ovjerena kopija Uvjerjenja o registraciji poreznog obveznika od 10.02.2021. godine, izdatog od strane Porezne uprave – Kantonalni porezni ured Tuzla,
- Kopija Rješenja o vodnoj saglasnosti, broj: UP-I/25-2-40-047-4/14 izdatog 04.03.2014. godine od strane ove Agencije,
- Kopija Rješenja o odobrenju za građenje vodozahvata „Brana“ i pumpne stanice – bunara u Vražićima, izdatog investitoru «Općini Čelić», od strane nadležne službe Općine Čelić, broj: 02-23-420/14 od 13.03.2014. godine,
- Kopija katastarskog plana R1:2500 izdat od strane nadležne službe Općine Čelić,
- Glavni projekat obezbjeđenja dodatnih količina pitke vode za Općinu Čelić – Izvedba vodozahvata „Brana“ – Knjiga 1, urađen od strane Zavod za vodoprivredu d.d. Sarajevo, maj 2013. godine,
- Glavni projekat obezbjeđenja dodatnih količina pitke vode za Općinu Čelić – Pumpna stanica „Brana“ – Knjiga 2, urađen od strane Zavod za vodoprivredu d.d. Sarajevo, maj 2013. godine,
- Elaborat zaštite izvorišta na području općine Čelić, urađen od strane Saraj Inženjering d.o.o. i Enova d.o.o. Sarajevo, juli 2018. godine (u elektronskoj formi – CD),
- Kopija Odluke o zonama sanitarne zaštite i zaštitnim mjerama za izvorišta „Brana“, donesena od strane Općinskog vijeća Čelić broj: 01-49-580/16 od 19.09.2018. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-285-2/22 od 19.08.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Izvorište „Brana“ se nalazi u Vražićima cca 6 km zapadno od Čelića, cca 150 m uzvodno od brane, na lijevoj strani rijeke Šibošnice.

Izvorište „Brana“ je uspostavljeno 2015. godine. Zahvatanje vode u izvorištu izvršeno je sa 3 (tri) „horizontalna vodozahvata“ – drena, koji su međusobno povezani na sabirnu komoru. Iz bunarskog sabirnog rezervoara voda se bunarskim pumpama transportuje do rezervoara „Krčevine“ i rezervoara „Vražići“. Osnovne karakteristike vodozahvata:

- Tip: grupni horizontalni vodozahvat sa drenovima savršenog tipa
- Broj drenova: 3 (tri)
- Dužina drenova: $3 \times 10 \text{ m} = 30 \text{ m}$
- Širina drenažnog rova: 2,0 m
- Broj kontrolnih šahtova: 4 (četiri)
- Sabirna komora: 4 m^3

Izdašnost izvorišta „Brana“ je potvrđena opitnim crpljenjem nakon njegovog izvođenja i iznosi $Q=20 \text{ l/s}$.

Pumpna stanica „Brana“ je ukopani objekat dimenzija $4,80 \times 4,40 \text{ m}$ koji se sastoji od sabirne komore dimenzija $1,0 \times 4,50 \times 4,0 \text{ m}$ i dijela za smještaj tri pumpe: dvije za transport vode do rezervoara „Krčevine“ ($V=150 \text{ m}^3$) i jedna za transport vode do rezervoara „Vražići“ ($V=130 \text{ m}^3$). Izvorišna zona u kojoj je zahvatni objekat je zaštićena ogradom.

Iz rezervoara voda se distribuira gravitaciono.

Prva zaštitna zona izvorišta je propisno ograđena i zaštićena od neovlaštenog pristupa na lokaciji bunara "Vražići 1".

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-285-3/22 od 22.08.2022. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, Općini Čelić kao vlasniku su ovom vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao vlasnik objekata obavezan je pridržavati se navedenih uslova, u skladu sa članovima 48., 64., 66., 116. i 128. Zakona o vodama.

Tačka 2.8. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva ispunio minimum uslova za izdavanje vodne dozvole za zahvat vode sa izvorišta „Brana“ u svrhu obezbjeđenja potrebnih količina vode za piće stanovništva i privrede na području općine Čelić, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.


Obradivač akta:

Nihad Pezo, dipl.inž.građ.

Prilog:

- Glavni projekat obezbjeđenja dodatnih količina pitke vode za Općinu Čelić – Izvedba vodozahvata „Braná” – Knjiga 1, urađen od strane Zavod za vodoprivredu d.d. Sarajevo, maj 2013. godine,
- Glavni projekat obezbjeđenja dodatnih količina pitke vode za Općinu Čelić – Pumpna stanica „Braná” – Knjiga 2, urađen od strane Zavod za vodoprivredu d.d. Sarajevo, maj 2013. godine.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- Općina Čelić, ul. Alije Izetbegovića 60-2, 75246 Čelić (Prilog)
- ☉ AVP, ISV – Vodna knjiga
- Sektor 50
- Sektor 40, arhiva
- oglasna ploča – AVP Sava